



Ocylvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. XXXII. Nostra sententia omnes difficultates è radioru[m] decussatione
obortas tollit.

[urn:nbn:de:hbz:466:1-71258](#)

ergo aduersa sententia euersione nullam agnoscit, ubi eiusmodi medium non interuenierit. Quid igitur dicit ad experientiam rei vnius duplicatae, triplicatae &c. idque situ euerso l. i. p. 2. c. 5. productam: quid ad experientiam ceræ concauo vitro illitæ, quam modo tetigi? quid ad experientiam puncti alicuius libero oculo obtenti? Aduersaria igitur sententia ruat necesse est.

VERA DIFFICULTATIS cauſa redditur.

CAPUT XXII.

Contra si horum à nobis exposcatur ratiō, damus hanc vñā semper & eandem; videlicet radios visorios in Retina exceptos, semper in contrarias obiectorum partes deferri, sinistros videlicet in dextras, dextros in finistras, ibiçq; rerum visarum locos visos ab ijsdem ostendit, ubicunque tandem res ipsæ sint: hinc necessario effici, ut omnis res visa in cognominem sibi Retinæ locum incidens, in aliū visum recidat, adeoq; euersa fiant; & vicissim omnis res in contrarium Retinæ locum allapsa, relabatur in suum pristinū, si non numero saltem specie. Hęc autem cur ita fiant, cauſam damus refractionem; refractionis cauſam damus temperiem atque figuram humorum & tunicarum, similetiā situs eorundem: & quod rei visæ apprehensio fiat non in indiuisibili puncto radij formaliter visori, sed in aliquanta ipsius particula secundum longitudinem exorrecta. Sit oculus A B C, res visibilis D E, videantur primò puncta D & E liberè, per radios D F, & EG; quia igitur ipsi in oppositas Retinæ partes H & I perueniunt, est enim axis CK, & I ad dextram eius, H ad sinistram &c. & per refractions radios H L, & IM, in easdem obiectorum partes E & D reuertuntur; hinc res in locis naturæ debitibus spectatur. Eodem modo, si eadem puncta D & E in foramen N ante oculum cogantur




trans

translaminam aliquam, aduenient in Corneam radiis EO, atq; PD, & quia ipsi nihilominus radiis QR atque ST ultimo refractis, in iisdem partibus hærent, quibus radij HL, & IM, inque similes partes antrorum tendunt, nimurum R ad E, & T ad D; manifestum estrem eodem modo & ad easdem partes cerni; per foramen, atque sine foramine: hoc vnico discrimine, quod per foramen res minor, at distinctior, liberè conspecta maior at confusa plerumque appareat.

ALIA PROPONITVR ADVERSA- RIJS EX SITU RERUM VISARUM CUERSO difficultas.

CAPUT XXXIII.

PRæter dicta superius iterum interrogare iuuat ex aduersarijs: Quare res aliqua per vitrum conuexum in certa aliqua distantia ab oculo visa, situm & locum permutat? Ut si punctū A arradiet in vitri conuexi punctum B, ex hoc in C deinde ad oculi punctum D, ab eoq; in E usque perueniat, spectabitur in alieno loco F: huius rei rationem reposcimus ab aduersarijs. Si dicent hoc ideò fieri, quia punctum A, per radios suos AB, BC, CD, DE, venit in Oppositam Aranæ aut Crystallini humoris partem, videlicet in E: Ergo si idem punctum A, per exile foramen G, absque vitro conuexo BC, veniat in D, & ab hoc in E, (quod accidere ad libitum cuiusque propter refractionem potest,) fieri ob eandem caussam situs euersio & loci permutatio. Cui tamen experientiæ veritas repugnat. Et si per idem foramen G, & simul per conuexum vitrum radius AHIGK, feratur in L, (quod facere cuius semper est in promptu,) videbitur punctū A, situ vero, quia in dextram humoris Crystallini partem accidit; cui tamen utrique, obvia cuilibet refragatur experientia.



Dices